



Inatsisartunut ilaasortaq Akitsinguaq Olsen

Asasara Akitsinguaq Olsen

Inatsisartut suleriaasianni § 37 naapertorlugu Naalakkersuisunut imaattunik apeqquteqarputit:

17. Oktober 2011  
Sags.nr. 2011-  
054838  
Dok.nr.715618

1. Pisortat isumaqatigiissuteqarfigisimasaanni sulinermit piumasaqaatit pillugit ILO-p aalajangersagaa nr. 94 nunatsinnut atuutsinneqassannginneranik piumasaqaatitaqarpa, imaluunniit aalajangersagaq Namminersorlutik Oqartussanut pituttuiva?

Aalajangersagaq Namminersorlutik Oqartussanut pituttuippat taava Naalakkersuisut apeqqutip uuma akinissaanik piumaffigissavakka:

2. ILO-p aalajangersagaa nr. 94 malillugu sanaartornermi suliassat, alumiiniumik aatsitsiviliorqarnissaanut siunertami pisortat sanaartortitsisutut (imaluunniit piginneqataalluni pisortat akuuffigisaanni) ingerlatsisinnaangillat nunatsinni akissaatit atuuttut sulisartunut atorneqartunut atuutsinagit?

ILO-mi isumaqatigiissut Danmarkimut tunngatillugu nalunaarut nr. 1, 4. januar 1957-meersukkut 15. august 1956 atuutilerpoq.

Allattuiffik ILO-meersoq isumaqatigiissutitut Kalaallit Nunaannut atuuttunut tunngasoq malillugu Kalaallit Nunaat isumaqatigiissummi nr. 94-imi pineqartunut ilaanngilaq. Kalaallit Nunaat ILO-mi isumaqatigiissutitut allanut arlalinnut tunngatillugu nalunaarusiortarpoq, kisianni isumaqatigiissummut nr. 94-mut tunngatillugu nalunaarusiortarani. Apeqquteqaateqarnermi Suliffissaqartitsiniarnermut ministeriaqarfiup naliliineq nalunarutigisaa tassaavoq, Kalaallit Nunaata isumaqatigiissummi nr. 94-imi pineqartunut ilaanissaa ilimanangitsaq, Kalaallit Nunaata isumaqatigiissummut tunngatillugu nalunaarusiortannginnera pissutigalugu .

Suleriaaserli ullumikkut atuuttoq malillugu maleruagassaq pingarneq tassaavoq, Kalaallit Nunaat isumaqatigiissutini tamani Danmarkip ilaaffigisaani pineqartunut

ilaasoq, nalunaarummi isumaqatigiisummik atuutsilersumik allamik  
allassimasoqanngippat. Nalunaarut ILO-p isumaqatigiissutaanut nr. 94-mut tunngasoq  
Kalaallit Nunaat pillugu immikkut paasissutissanik imaqaanngimmat, aallaaviatigut  
Kalaallit Nunaat pineqartunut ilaasimasinnaavoq.

Taamaattumik 1956-mi isumaqatigiissut atuutilermat suleriaaseq malinneqarsimanersoq  
pillugu Nunanut allanut ministeriaqarfik apeqquteqaateqarfigineqarpoq.

Tamannalu pillugu Nunanut allanut ministeriaqarfik qularnaatsumik  
oqaaseqarsinnaasimanngilaq. ILO-li isumaqatigiisummik paarsisuusoq  
(atuutsitsilernermet uppersaatit il.il.) allagaatinik misissueqqullugu assilinerinillu  
nassiusseqqullugu attavigissamaarlugu Nunanut allanut ministeriaqarfik  
nalunaaruteqarluni.

Aluminiumik suliniutitut ittumut, annertuumillu kinguneqartitsisinnaasumut tunngasut,  
paatsuugassaangitsumik akineqarnissaat Naalakkersuisut pingaartittorujussuaat.  
Suliarlu pingaaruteqarmat apeqqutit saqqummiunneqartut sukumiisumik  
paasiarnissaannut piffissaliinissaq pisariaqarpoq.

Taamaattumik Nunanut allanut ministeriaqarfik ILO-mit akissuteqaammik tigusaqarpat  
Inatsisartunut ilaasortanut ilisimatitsissuteqarlunga uterfigissavakkit.

Inussiarnersumik inuulluaqqusilluta



Ove Karl Berthelsen